





製曲之難有甚於詩文者文可任意卷舒詩賦  
其律猶寬曲則調有宮句有板字有音節稍未協合  
雖文詞雅麗而一入歌喉直如棘刺適爲伶工笑耳  
故知詩文之得失者甚多而知曲之工拙者絕少世  
人競稱臨川湯義仍之填詞然其四夢傳奇不知仙  
呂商調爲何體不知唇舌齒齶爲何聲何規越矩顛  
倒踳駁曾不能窺此道之藩籬迺以其時露俊語遂  
一唱百和以爲詞家能品豈不真乎丙申夏余遊桂  
林晉謁大中丞陳公以余通家子時畱座隅復招遊  
羣綵巖置酒風洞得遇雲間黃子石牧推襟送抱恨



相見晚酒半公出近刻昇平樂府示余余受而讀之  
琅琅乎擬金考石聲徹九霄不勝觀止之嘆公曰黃  
子雅善填詞所著尤夥洵藝林之奇寶也翌日黃子  
過余寓齋出示雜劇數種標新領異動魄驚魂幾欲  
與公爭勝蓋公之作皆雅頌之音宜奏諸明堂清廟  
而黃子之作則體會人情牢籠物態備極風人之致  
此實其地不同而調無累句句無誤字則皆合於尺  
度歌之無有不諧非若玉茗堂中強作解事徒博耳  
食者之傳誦已也嗟乎黃子以抑塞磊落之才半生  
失志而乃借古人之佳話寫自己之愁腸其亦有不  
得已焉者矣世第見其所言皆神仙兒女之事以爲  
文人樂境而不知其皆不平之鳴也雖然士附青雲  
則名施後世陳公愛賢若渴行且以上林長楊薦諸  
黼座他日公賡歌於前黃子從而和之於後必有和  
其聲以鳴國家之盛者區區文章小技惡足以窮其  
所造也哉吳興同學弟沈樹本頓首拜簞



忠孝福傳奇目錄

上卷

第一齣

宴月

第二齣

禱男

第三齣

星誕

第四齣

餅叙

第五齣

庭訓

第六齣

義兵

第七齣

奸隔

第八齣

巡訣

第九齣

演防

第十齣

禦敵

第十一齣

忠殉

第十二齣

慘計

第十三齣

哭骸

第十四齣

禮寬

第十五齣

立祠





下卷

第十六齡 宣詔 第十七齡 盼捷

第十八齡 蠻警 第十九齡 闡遣

第二十齡 廷對 第二十一齡 決勝

第二十二齡 投誠 第二十三齡 擢職

第二十四齡 籌稅 第二十五齡 捐賑

第二十六齡 閨述 第二十七齡 訪蹟

第二十八齡 謁祀 第二十九齡 慈養

第三十齡 福緣

忠孝福上卷

西江月末上客裏持螯飲酒筵前擬管彈絲莫輕裙扇

是歌兒會演忠臣孝子 點窠全非舊本描摹儘仗新

詞牋毫渲染太平時觀劇同於讀史

滿庭芳烏府名臣鯉庭才子蘭蓀又誕星官詒謀忠孝

劾奏忤權奸特遣巡方陷敵早捐軀火葬城垣尋骸慘

招魂歸去遺愛建祠看 新朝褒貶定子皆登第孫又

彈冠是文武全才隨叔征蠻擢授東方觀察溯前朝祖

蹟重攀恩綸重北萱映綵全福享團圓 名御史殉難捐骨肉 佳公子尋骸馳水陸



報賢孫兼全文武才 娛壽母長享忠孝福

第一齣 宴月

黃鐘引子玩仙燈外冠帶蒼髯淨扮院子隨上詩禮傳家謬  
通籍寵邀榮命效孤忠心冰骨鯁眼見莠草難薈負天  
王明聖白髮丹心怕蹉跎駒光易騁

集杜艱危須仗濟時才城闕秋生畫角哀袞職慙無  
一字補教兒且覆掌中杯下官殷旭表字晦庵姑蘇  
人也叨中大周廣順元年進士現授春官大夫累世  
簪纓傳家俎豆夫人王氏喜琴瑟之相諧有子三人  
幸箕裘之克紹大兒殷儉同媳仲氏隨任承歡次兒

殷恪三兒殷疇在家肄業這也不在話下俺想幼而  
學壯而行誠恐素餐覆餗在其位謀其政又難越俎  
代庖近來朝政日非奸臣苗茹花薺外通藩鎮內陷  
忠良舉朝箝口而不言馬皆立仗主上特聰而偏聽  
龍莫批鱗下官心憤其奸無奈職非諫諍因此終日  
愁悶殊無好懷幸虧夫人孩兒每每從旁勸慰今遇  
中秋佳節又要置酒開筵名爲賞秋實則解悶唉怎  
解得下官心事來道猶未了夫人們早到老旦扮夫  
人正生正旦扮殷儉夫婦丑扮丫鬟隨上

兩相宜老旦喜遇團圓佳景明月下綠樽相慶生趨庭



勸酒同溫清日潔滄瀛伸誠敬

相見介老旦相公你只因憂國鬢如絲外夫人我見

說長安似弈棋生爹爹且拭賈生無限淚旦婆婆同

傾一盞便開肴老旦相公今日中秋良夜孩兒媳婦

安排家宴邀我二人賞月相公且自開懷飲數杯外

生受你每了生看酒來定席各坐介

黃鐘過曲畫肴序生日合高把翠觴擎徧捲湘簾照華燈待

墻東明月漸滿開庭長空外千里無雲都被那金風吹

淨合話情骨肉真天性今宵共醉銀屏

外妙阿千里無雲都被金風吹淨目今朝內奸臣誤

國卽似浮雲蔽天不知何時得乾淨呵

前腔把酒問蒼冥皓月當空露華凝恨浮雲點綴滓穢

清明好一座玉宇瓊樓愁變做麋庭狐徑老旦相公且

自開懷合話情骨肉真天性今宵共醉銀屏

生日又進酒合唱介

前腔休說莽公卿對酒須教破愁城怕霜華無賴易點

髭莖斟家醞綠蟻浮香酬令節冰蟾如鏡合話情骨肉

真天性今宵共醉銀屏

老旦孩兒媳婦之言不差相公請多飲幾杯酒

前腔烏兔去難停鳳闕銅壺又三更看團欒花影冷露



無聲親會見桂子飄香還則待蘭孫遶徑合話情骨肉  
真天性今宵共醉銀屏

外是阿夫人說曾見桂子飄香還待蘭孫遶徑俺和你年過半百雖有三子却都不曾有孫兒這也是一樁缺陷事了

滴溜子誇三鳳誇三鳳偉然秀挺孫枝晚孫枝晚未娛  
暮景早遲雖然由命那能含着飽耐心去等不見那陳  
家堂前聚星

老旦老身一向不曾對相公說媳婦朝夜向觀音座  
前祈嗣甚是虔誠哩

鮑老催禮虔意誠白衣世尊爲證盟朝昏念佛千萬聲  
外這也難得老旦他只要椒聊衍鳳羽佳芝蘭盛外生  
得個孫兒便好老旦于公駟馬有善徵小同接武非猷  
倖相公你準備着湯和餅

外喜介下官聽夫人道來覺得悶懷稍解但大丈夫  
國爾亡家君爾亡身俺一身且不自惜何暇爲兒孫  
之計各起介

雙聲子外兒孫等兒孫等他自有榮華命咱半生咱半  
生改不去堅剛性我獨醒我獨醒瓦釜鳴瓦釜鳴待觸  
邪指佞始快生平



老旦相公又是酒後發真言了孩兒媳婦且收拾進去待你爹爹安息罷旦應同丑先下

尾聲合壺觴尚有餘香剩你看低挂簾波露珠冷皓魄西窗樹影橫

集杜外老大悲傷未拂衣老旦暫時相賞莫相違生細推物理須行樂外歎息人間萬事非同下

第二齣 禱男

場上挂白衣觀音像設香案介正旦雅粧上

南呂引子一枝花簾波閑未捲秋掩芙蓉院宜男思佩草北堂外着意培萱副淨扮梅香上黃菊寒香徧紫萸清露

淺不是春天也一枕窗紗人倦

集杜菩薩蠻旦小院迴廊清寂寒衣處處催刀尺

副淨月過北庭寒閨中只獨看旦燈花何太喜坐觸

鴛鴦起副淨特地引紅粧真如會法堂旦奴家仲氏

少適殷家公公是春官大夫夫婿乃吳閭才子蘋蘩

有主謝綺羅爲綦縞之容井臼能操脫簪珥作膏油

之助姑章嚴肅奉榛棋以敬共夫婦和諧叶絲桐之

靜好只是結褵已久熊夢無徵雖然禱祀維虔麟胎

未卜前日公公中秋家宴會以未得抱孫爲憂天嗔

倘若竟無所出何以慰公姑一向供奉白衣大士



聖像朝夕焚香。禱求早賜佳兒。以繼書香一脈。今夜黃昏人靜。不免又去拜禱。一回丫鬟取我繡下的花幡。同到佛堂中去。副淨曉得。持燈幡同行介。

南宮過曲。懶畫眉。旦。畫省重門夜無喧。看北斗平臨簷霽前。曲廊迴處。月痕穿。佛火桐陰現。副淨。到此已是佛堂了。作到介。旦。鸚鵡無聲。一座蓮。

你把花幡懸挂起來。待我拈香。副淨應挂幡介。南無大慈大悲救苦救難廣大靈感觀世音菩薩。

前腔。旦。繡出花幡佛堂懸。拈香介。把一炷心香爐內燃。拜介。斂襟合十。訴因緣如活對慈雲面。莫道寒閨心未虔。菩薩在上。念奴家呵。

前腔。福淺緣慳在生前。又匪分姻叨秦晉。聯因此命中不許鳳雛延。把子息都芟剪。望菩薩慈悲來見憐。

又拈香拜介。大士呵。

前腔。我懺悔前生罪和愆。乞解釋今生孤另冤。倘膝前早賜掌珠圓。便不絕殷家綫。我願把壽算乘除。折數年。

拜完起介。副淨。大娘。你忒要緊養兒子。就情願把年壽折算。旦。痴丫頭。你不曉得年壽事。小宗祧事。大老爺三位相公。俱已早完姻配。皆未有孫兒。況我是殷家長媳。從未添丁。豈不是最要緊事。副淨。如此說大



娘求得穀了，拜得苦了，早也求，晚也求，求得菩薩沒  
回頭朝也拜，夜也拜，拜得觀音不自在，你且歇息歇  
息，待梅香替大娘求一求，拜幾拜何如？  
〔旦〕勞動你了，  
〔副淨跪介〕菩薩菩薩有靈有感，我是賤肚皮，一搨就  
有，順便多帶子兩個出來。  
〔旦〕哇，菩薩跟前容你說笑  
的麼？夜深了，且回房中安歇，明早再來禮拜罷。  
〔集杜〕  
數問夜如何，清光應更多。  
〔副淨〕夢蘭他日應且得慰  
蹉跎同下

第三齣 星誕

末扮韋馱舞上 小旦扮白衣觀音上

浪淘沙 法眼徧諸方，普渡慈航，鸚哥也趁白衣粧

卸出蟾宮新桂子，移種蘭房

〔集杜〕阮郎歸 闌風玄圃與蓬壺，稀星乍有無，遠關山

岳散江湖，青雲亦卷舒，驥之子，鳳之雛，懷君想報珠

獻花何下許，門徒春城赴上都，我乃白衣大士是也

因見殷門仲氏，係禮曹殷旭之媳，諸生殷儉之妻，好

善求嗣，向我皈依，理合早送石麟，以彰善果，況殷旭

秉性忠貞，殷儉立心純孝，更宜選取星宿中，大有福

之人降生其家，享用富貴壽考，以報德門積慶，昨已

奏過玉帝蒙聖旨，俞允將天福星送去投胎，今日彩



旗鼓吹迎出南天門，俺等他到來護送前去，不免駕着雲頭，待一回者。高立介：淨奇臉扮天賊星跳上。咱赤髮銅頭鬼臉青，在天宮困守不安寧，待要翻身下界投胎去，肯讓那白面孱軀小福星自家天罡數內，個天賊星的便是。聞得下方吳郡殷家好善求子，卜帝特着天福星送去投胎，教他受用人間富貴。嘆，難道他去得咱便去不得，他享得富貴咱便享不得富貴。今早寥陽殿前，見那天福星這狗頭簪着宮花，穿戴着錦袍紗帽，一路彩旗鼓吹，迎出南天門，何等熱鬧興頭。咱不免邀在路傍，待他來時，憑着咱牛樣的氣力，搶了他的金花紗帽，一逕遶到殷家奪舍投胎。胎多少是好。內鼓吹介：嘍，那邊仙音嘹亮，想是來也。咱且躲在一邊，正是賊星長照命，惡胆且包天。下小生冠帶插金花，二雜執彩旗引上。

黃鐘過曲神仗兒合：朱旗彩仗，朱旗彩仗，趁紅雲搖颺，出天門，跌蕩恁般風和氣，朗良辰須記着。庚寅吾降，驅駟馬，指吳闔，驅駟馬，指吳闔。

淨衝上攔住介：老福請了。小生請了。到此何幹。淨笑介：聞你要往下界投胎去，特來代勞。小生：這是奉旨而來，怎生代得。淨咄：老福難道你投得胎，咱便投不



得胎快把金花紗帽除下來。讓我插戴投胎去。免得動粗哩。小生奇談。這等可笑。

中呂撲燈蛾。笑伊不自量。笑伊不自量。宮花只圖搶淨。過曲。搶了便怎麼。小生賊星犯天條。俺立便奏伊無狀也。淨咱也不怕。偏不許你去。小生你休教妄想積善家。須要頑祥料。兇徒難污繡襖。淨不必多言。快除下來。小生要烏紗。請回窗下肄文章。

前腔。淨怪伊忒做腔。怪伊忒做腔。人情也該讓。小生你這賊星說什麼情。淨烏紗滿人飛。你偶爾把頭搭上也。又何曾粘糲。莫惹咱扯做蝴蝶。飄揚打的伊落花隨浪。小生這等作怪。那做賊的本相全露了。淨爲榮華露些賊相。又何妨。

搶介。小旦二星不必相爭。聽俺道者。小生淨元來菩薩在此。小旦那天福星奉玉旨降生殷家。豈可爭奪。一違天數。百劫難逃。天賊星官勿萌妄念。淨菩薩的話都是假慈悲。不公道。不公道。小旦非我不公。是你無道。他身居天福。自然該去享福了。淨這般說咱天賊星只該做賊不成。咄。拏過花帽來。小旦賊星不遵法旨。護法神擊退末將。杵打退淨介。淨罷罷。罷天上不成。好漢人間且做强人。下末敬菩薩賊星打落南



天門往下界南蠻一帶地方去了。小生稽首介多謝菩薩救護。小旦星官那賊星逃落南蠻將來必生禍害。這段因果還由你作。今去降生殷家。俺已借得文武二曲的金印寶劍在此。付你持去。後來南蠻爲難。你把文武全才去降服他便了。小生多謝菩薩指教。小旦韋馱取印劍過來。末印劍在此。小旦好生捧着。同俺送星官到殷家去。末領法旨捧印劍同行介。

黃鐘過曲

滴溜神仗合

移鸞馭移鸞馭到來下方臨吳苑臨

吳苑善門大敞可知吉人天相管教他明珠在掌夜光

圓朗熊夢叶寢之牀熊夢叶弄之璋

同下副淨扮梅香上。桂子三更落梅香一夜忙自家殷府中梅香便是我家大娘娘仲氏日夜禮拜白衣觀音要求子息果然受胎方纔分娩俺親見一個插金花穿繡袍的官兒走進房來霎時不見恰好產下一位官人紅光滿室紫氣繞牀眼見是個大貴人。不免急往老爺夫人前報喜去。正是求時念彼觀音力送來卽現享宮身下。

### 第四齣

餽敘

正宮引子新荷葉小生裝鬚扮韋宣丑隨上釋褐當年別草萊嘆時事杞憂無奈同人猶賴濟時才孤踪免作離羣



客

**集社**一談一笑俗相看，自有人生行路難。不可久留豺虎亂，誰家數去酒盃寬。自家姓韋名宣，字啓韓。山右人也。叨登進士，需次一官。因時事日非，故宦情頗減。幸有同年殷晦庵兄，忠懷直性，道合志同。時時尊酒談心，不致旅懷索寞。他新得了長孫，今朝滿月，湯餅之會，折簡相邀，不免往賀。一回借此劇談半晌，童兒隨俺到禮部殷老爺家裏去。**行介**丑穿過衙衙北首，轉灣菜市東頭。**小生**雙槐新綠，廕高樓清靜儀曹門口來。此已是不免湮入。

**前腔換頭**外便服上湯餅良辰，召朋儕知心友惠臨門。外生上蓬門今始爲君開，追陪處望塵而拜。

**相見**揖介**小生**恭喜殷兄，蘭蓀早茁。**外**多謝韋兄蓬華枉臨，坐介**小生**殷年兄，古人云：詒厥孫謀，又云：繩其祖武，可見祖孫濟美，斷不可少的。**外**小弟年過半百，首得一孫，未足爲喜。年兄正當強仕，昨聞已得令孫，這纔是有福人哩。**小生**豈敢。但小弟得孫之時，曾有一兆夢入天庭，喧傳玉旨，將天福星送至兄家。天祿星送至弟家，將來一定大有好處。**外**這也可喜。

**正宮**過曲**玉芙蓉**小生星辰炯上台，福祿臨凡界似芝蘭自



小種向庭階渥洼駒子生成在丹山鳳雛飛下來年兄  
可抱令孫出來與小弟一觀外顧生介你抱來見了韋  
老伯生應下小生誰不愛弄嬰兒笑孩外左右進湯餅  
雜進湯餅介合慶家門穀詒孫子早安排

生抱孩上小生好果然是個福相曾命名否外尚未  
小生今已滿月正該命名外想介哦吾輩只講的一  
個性就取名殷性罷小生妙阿那性字呵

普天賞芙蓉五倫苟三綱宰周易闡中庸解聖希天仁  
義根菱賢希聖孝友胚胎生付孩與雜抱介孩作啼哭  
聲介小生試他啼聲定是英物呱泣處雄而大對此寧

馨那能不喝采料他年文武全才做平世鹽梅鼎鑪合  
慶家門穀詒孫子早安排

雜扮報人上稟老爺送報在此外取上來吏部爲陞  
授官員事奉旨春官大夫殷旭擢授監察御史欽此  
向生介大兒發賞封去生應同二雜下小生恭喜年  
兄職任言官正好繩愆糾謬了外歎介小生年兄爲  
何不以為喜反長嘆起來外年兄豈不知小弟的心  
事

漁燈映芙蓉太陽遮浮雲變蔓草難除朝政日壞那朝  
中大臣朋比爲奸分明是社鼠城狐顛危鼎台小生如



忠孝節  
今正該彈劾他了。外俺囁嚅緘默慙僚案君恩重甘死  
彤堦小生主上聽從也不可。知外何時謨明弼諧元首  
若能都俞者國事詎憂叢脞哉。小生萬一不從奈何。外  
這也躊躇不得了。心難改願身爲獬豸。合怕貽羞素餐  
尸位玷烏臺。

雜扮報人上稟老爺送報在此。小生取上來吏部爲  
選官事。韋宣山西進士。選授山東歷城縣令。向雜介  
到俺下處領賞。雜應下外恭喜年兄。身膺民社正好  
發抒抱負了。小生搔首不語介。外年兄爲何默然。小  
生小弟素聞山東藩王最是驕縱殘虐小民。欺凌官  
屬。此缺是難做的。

傾盃賞芙蓉。密邇驕藩性行乖。俺羞作逢迎態。外只不  
理他。便是小生愁他潑胆胡行橫。索苞苴。使我掣肘難  
前頓減丰裁。外年兄畢竟自有主意。小生小弟此去呵  
熱腸但拯蒼生害。便強項甘罹赤族災。外喜笑介。妙阿  
這纔是吾輩讀書人志氣。小生行吾志。任人嘲謔駭。合  
怕貽羞素餐尸位玷琴臺。

外談心良久。與兄小酌三杯。左右看酒來。雜上斟酒  
外小生對飲介。

朱奴插芙蓉。外俺則向都亭下車輪。暫埋小生俺則向



花封裏把倒懸先解外俺待學桓典乘驄走御街小生  
俺待學任棠事水邊拔薤外勤無怠小生念當年本懷

合怕貽羞素餐尸位玷鸞臺

各起介小生小弟明後即便單車赴任了外小弟還

要薄治一觴郊外奉餞集杜日暮聊為梁甫吟許身

愧比雙南金小生新亭舉目風景切長使英雄淚滿

襟請了各下

第五齣 庭訓

仙呂入雙調過曲雙沉醉東風生儒服上忝烏衣傳經世家耽黃

卷焚膏下看殿父將華繡衣驄馬為賢勞自公無

暇小生殷儉因父親新除御史便要具疏劾奸吾恐言

出禍隨無奈諫之不聽鳳池聚蛙柏臺噪鴉須防着彈

章引禍芽

哦俺兄弟殷恪殷疇近從家鄉來京定省何不與他

說知同到父親膝下齊聲合詞勸止一番或者眾口

難却不强似我獨力挽回末兄弟們出來末扮殷恪

小旦扮殷疇儒服同上椿萱並茂年期百棣萼連枝

數叶三哥哥呼喚有何分休生爹爹纔甚烏臺遽簪

白筆兩日連草奏疏可曾見來末小旦未曾生今日

爹爹祖餞韋老伯未回你取來偷看一遍何如末小



旦使得生檢出疏稿介末看介爲奏劾驕藩事本上說的是山東藩王盤放私債吸民脂膏奏請撤回藩邸呀這親王可是惹得的小旦看介爲奏削權帥事本上說的是元帥趙匡胤軍威漸震大得人心奏請削他兵權呀這老趙也是利害生兄弟你再看這一本末小旦同看介爲奏嫌奸黨事本上說的是苗茄花齊朋比爲奸紊亂朝綱傾危社稷宜速梟首懸之藥街以謝天下伸舌介忒狠了這本如何上得生我爲此極力勸止爹爹執意不從明日要早朝面奏只怕此本上吾輩覆巢無完卵矣

前腔羨陽城殿中裂麻說樊噲曾禁中排闥他逢著奸官家遂成嘉話到如今只宜瘖啞末小旦待爹爹回來我們衆口同諫便是合慎言最佳見機不差爹爹嗔何必向豺狼費齒牙

內吟喝介生爹爹回來了外上送客纔歌三疊引課兒又閱五車書三子揖見介外俺與韋年兄餞行回來不覺日之夕矣明日又要上朝進本沒得工夫今夜閑着不免挑燈促坐講究一番試試孩兒們的學問生末小旦領命燈下各坐介

園林好外諭兒曹詩書氣華除忠孝無他妙法講道學



安知非假。須實踐便為佳。須實踐便為佳。

生孩兒們尚未君門通籍。現今子舍承歡。望爹爹先  
把孝的道理教誨一番。外這個道理孝經上邊已說  
盡了。

前腔他一篇篇是金丹米砂。遵依著無以復加。總只要  
無違爹媽能養志便無差。能養志便無差。

末無違謂不悖於理。却又說個從親之令為孝。果是  
如何。外阿意曲從。陷親不義。乃不孝之一。國有諍臣。  
家有諍子。不見禮記上說。父母有過。下氣怡色。柔聲  
以諫。麼。生末小旦孩兒們緊記了。外我看你三人天

性純孝。那孝字不愁做不來。今再把個忠字講與我  
聽。

江兒水。生末小旦合忠者宜謙慎。莫銜誇。艱貞須玩明。  
夷卦明哲。還傳蒸民雅。和衷又記。擊陶話。纔是名臣流。  
亞世亂如麻。便權且韜光無那。

外哈哈汝輩忠之一道。全未夢見哩。

前腔正氣全剛大。昂藏少玷瑕。不見那魯邦。司寇把開  
人殺。漢代朱虛向皇親。罵唐朝太尉。將驕藩打。這纔好  
扶持天下。若是骨軟筋麻。枉讀了虞書周雅。

生為人臣者。得君行道。權在其手。然後去佞除奸。未



為不可若單靠口舌相爭只怕空言無補即如爹爹今日呵

五供養乘驄甫乍奈值奸人秉軸排衙城狐難捕取國  
蠹費搜爬雙蹲癘狗九閣上何人不怕爹爹嗷且把登  
聞鼓暫停搥緊防賊弩暗含沙

外我兒所言未為無理但我既食君祿職當盡言

前腔一腔血灑忍見銅駝荆棘槎枒孤忠追屈子緘默  
笑蚺毒吮癰舐痔怕干載教人唾罵孩兒嗷俺豈肯貪  
官爵戀身家要一封霜簡犯堤沙

我已做成本章明晨具奏那稿兒大兒子已經看過

你兩個曾見麼末小旦方纔讀過了但是哥哥所言  
出於孝心爹爹還要三思

玉交枝虎狼難化一時間焉能捕拏求爹毀了彈章罷  
任憑他瑣瑣姻婭難逢賞音俞伯牙須防削迹桓司馬  
爹爹纔說家有諍子哥哥的話極該聽從縱含糊誰來  
問查縱精剛誰來贊誇

外怒起介為父的做不義之事自然要諫諍我今彈  
劾權奸正是千秋義舉你不許我做忠臣麼

前腔休相疑訝我彈章何曾做差忠肝義胆無牽挂寧  
疏王何肯全瓦生末小旦淚介此本一奏立見災殃還



是上上的好外說那里話。史魚屍尚叅彌子瑕。尼山老不媚王孫賈。你們阻我。便是不孝之子。做忠臣何須畏他怪癡兒。何須勸咱。

外欲進介。生末小旦牽外衣介。爹爹且住。還是不上的好。外嗔你們怕我遭人毒手。也是一片孝心。但天下事未可定。或者皇上聽我呵。

川撥棹。新綸下。即日將奸相殺。那時節。雲日光華。那時節。雲日光華。纔顯俺補天的功。同女媧。異狂徒。鬪嗑牙。勸兒曹。休認差。

生末小旦萬一不從。就勢不兩立了。嗟。

前腔換頭外這也是命裏招。殃怎避他。我拚身。罹譴罰。便教俺。覓掩黃沙。便教俺。覓掩黃沙。早博個。流芳世。闕這門庭。是清白衙。您兒孫。是忠孝家。

天已五更。俺早朝待漏去也。持本下生你看爹爹忠氣。激發千霄。萬丈阻當不住的。了我們做兒子的。那可不仰體親心。學為忠孝。以無忝家風也。

尾聲合嚴親此去朝。鑾駕鐵御史。名傳華夏天。那望你默佑忠良。禍不加。

集杜生草奏何時入帝鄉。末初開涕淚滿衣裳。小旦合晶晶行雲無日光。同下。



第六齣 義兵

北中粉蝶兒淨戎裝扮大將衆軍引上陣擺黃沙俺子  
見陣擺黃沙一會兒整齊齊把連營來扎響嗚嗚一派  
嗚笳衆合捲塵頭翻日脚是俺趙家兵馬鞞鼓休搥撲  
鞞鞞鞞鼓休搥改乾坤做太平天下

集杜龍起猶聞晉水清秋風嫋嫋動高旌指麾能事  
迴天地今日何須十萬兵咱家趙元帥麾下大將趙  
彥徽是也前日跟隨元帥征討契丹行至陳橋驛裏  
衆軍把赭黃袍硬披在元帥身上要擁戴爲天子元  
帥謙讓未從吡這皇帝老爺一席眼見躲不過的

元帥又命咱家領一枝兵馬攻打山東地方教咱相  
機行事衆軍校們聽咱號令者衆應介淨俺奉趙大  
元帥鈞旨領兵一萬擇日東征元帥吩咐道此行以  
仁義治天下單爲弔民伐罪居然王者之師軍馬所  
過之處不可擾害百姓騷動地方有犯秋毫卽行軍  
法衆應介嘍

石榴花淨仰體俺湯武趙官家指山東一路去撻伐須  
則是大軍嚴整戒誼譁休得要亂兵縱殺殺人如麻衆  
將軍倘遇着不肯從順的正該殺之以威不服留他何  
用淨奉元帥分付那忠臣義士各爲其主豈可殺戮須



好好的勸他降順纔是衆他若寧死不屈便怎麼處淨  
這便容他盡節元帥還要旌獎他哩逢着那盡忠的逢  
着那盡忠的甘心刀鋸全無怕錚錚皎皎白璧無瑕這  
便要慢騰騰這便要慢騰騰溫言軟語相容納總要把  
王師仁義播中華。

衆將軍宣令焉敢不從淨元帥昨日給發牛酒犒賞  
將士咱且登將臺一閱你每就臺下暢飲一回者上

臺介衆席地飲啖介內吹角介

鬪鶴鷄介聽幾處砲臺邊簷策呀呀砲臺邊簷策呀呀  
抵多少凱旋時饒歌雜沓不須聽塞外琵琶不須聽塞  
外琵琶受降城投醪飲馬俺則待賈勇三軍式怒蛙也  
不用誇黷武狠征伐消受那白漫漫碧血揚沙白漫漫  
碧血揚沙翠稜稜金鱗曜甲

下臺介大小三軍就此起行前去衆應行介

上小樓呀憑着俺孫吳法掃除那莽操家看他每怎抵  
驅馳怎受驚慌怎耐蹂踏他那里打鼓排衙他那里打  
鼓排衙任着奸猾恣着佻達怕着攻殺不愁不望風而  
下。

尾聲魏貅恁樣雄江山直甚打仗殿前點檢威風大縛  
到奸邪叫他去餵馬繞場下



第七齣 奸陷

正宮引子破陣子副淨紗貂二雜隨上手握樞衡重務胸藏  
蠹蝨陰符笑殺書鼓無見解驀把名臣漫葬誣愁他力  
不如

政府真優孟朝廷作戲場只圖人好看搬弄又何妨  
我乃苗茹是也官拜平章之職手挾天子之權氣壓  
百僚威行四海金錢巨萬搜不盡賄賂之財羅綺盈  
千用不了收漁之色只爲皇上深處九重懶於政事  
俺便奉天承運做個假公濟私喜得滿朝文武都是  
伶俐見幾之人有一等出尖的挨挨擠擠搶先來把

俺奉承有一等沒用的唯唯諾諾退縮去不管你閑  
事只有一個新任御史殷旭強自出頭要和俺作對  
前日御前具奏要將俺與花叅政二人明正典刑好  
生利害幸虧聖上不從若是依他所奏豈不斷送了  
兩個福星俺想此人不除必爲後患只是沒個法兒  
擺佈他已差人去請老花來商議怎麼天晚還不來  
左右花老爺到時即便通報雜應介丑冠帶未提燈  
隨上

燕歸梁半鼯鼠堪憎捋虎鬚來納死太狂愚

下官叅知政事花叅是也爲殷旭之事要見苗平章



恰好見召爲此而來末老爺拜雜報介副淨快請相見揖介丑老平章副淨老叅政丑適蒙見召必有要務相商爲此乘夜而來副淨左右迴避請坐各坐介雜同末下副淨前日那不知死活的殷御史十分可惡若不除此人難以雪恨爲此請老兄到來商量妙計擺佈殺他纔好丑便是小弟也想莫若吩咐一個言官叅他一本說他毀謗大臣惑亂聖主把他問個斬罪豈不是好副淨此計雖好只怕聖上動疑知道我們挾仇指使哩丑這却怎麼處想介哦有了昨日關上的官兒有雞毛文書報到說趙匡陳橋兵變擁衆出師現遣部將攻打山東被我將報押住皇上不曾知道哩目下正要点山東巡按不如假傳一道旨意着殷旭去何如副淨他是個文官又沒有守土禦敵的責任點了他去與他無干却不倒便宜他麼丑老平章有所不知待我預先行文將濟南城內文武官員兵馬糧草調開去鎮守別處止留下微員雜職老弱殘兵屯扎一面再將火牌止住了五路的營守不許分糧借兵叫他們各自保守汛地那時外無救援內無糧草眼見城池不攻而破那趙匡曾被殷旭糾彈破城時決不肯饒放他藩王也曾被殷旭



劾奏捉獲時決不來庇護他這便是借刀殺人的妙計了副淨大笑起將丑鬚介妙妙好計老先生真是賽過諸葛亮明日就點他出巡東省便了事不宜遲正宮四邊靜芟除異類非關毒巡方去宜速丑留下一空城教他且監督副淨軍機未熟兵糧不足合斷送老頭皮早結諫臣局

副淨只是行牌去調開兵馬要緊丑這個自然

前腔行牌調遣期須促何勞再勤囑副淨叛寇儘冤家藩王少和睦丑狂言挺觸這回斥逐合自取禍殃根任宦好沒福

副淨叫掌燈做成圈套捉孤臣我報冤仇借別人丑他做鬼臭臺無訴處蜜蜂點火自燒身請了各下

### 第八齣 巡訣

黃鐘引子玉女步瑞雲老旦上宦闈麓諳家政整嚴無憾正旦上慈陰下把姑章惠感

集杜卜算子老旦有鏡巧催顏令節成吾老旦徵軀此外復何求鳳穴雛皆好老旦寒事颯高秋兵氣迴飛鳥旦掌中貪見一珠新世亂憐渠小老旦老身王氏忝為御史夫人相公入朝未回媳婦旦婆婆老旦我和你閑談則個旦使得坐介老旦兩日來孫兒乳



食何如旦甚是肥胖着實會笑了老旦這也可喜常言道只愁不養不愁不長眼見隔了十來年又要巴他婚寔了

黃鐘 降黃龍積善門樁忠孝之家報以纓簪旦仗鴻慈過曲舅姑厚德兒夫留廕奇男老旦無慙我門佳婦盡孝道遵依着俺旦願椿萱恩榮不替永無缺陷

老旦只是你公公自為御史即具疏叅張劾李只怕要惹出禍來又聞趙兵殺到山東將來南北隔絕只怕又回不得家去我和你做婦人的全靠夫婦團圓兒孫完聚今遭此時世甚是可危也可

前腔換頭何堪世未太平漆室懷憂主昏臣暗旦皇天眷佑定眷佑賢臣剛腸忠膽老旦心甘婦隨夫倡便咎殃之來何憾旦婆婆莫憂且畧待朝回定省把喜信徐探

生上聞來朝命全無喜報與慈顏也合愁老旦孩兒你在外有所聞麼生前日爹爹彈劾奸相的本已不准行卽刻聞聖旨下特點爹爹巡按山東限卽日到任了旦聞得山東正值趙兵作梗如何去得生這明明是苗茹所為把我爹爹坑陷呵

前腔換頭奸讒票旨弄權挾制朝綱把善良坑陷干戈



擾攘故遣巡方教嘗酸欖老旦旦朝衫未曾着暖驀地裏遭人欺賺想涉世原該閉口謹奉三緘

老旦你爹爹既奉旨出巡我們自然跟隨到任倘若限期促迫須預整行裝纔好不免喚你兩個兄弟出來說與他們知道生是兄弟出來末上邸抄閱罷聞兒喚小旦上窗課完來待母查見母揖介母親見生且揖介哥哥嫂嫂生兄弟爹爹做了山東巡按了末阿呀方纔看報趙兵作梗攻打濟南正值兵燹之時如何上任小旦況且藩王曾被爹爹上本叅過若到彼處豈非撞着冤家麼

前腔換頭末小旦曾叅惡帥悍王疏藁流傳想經官覽定張羅設網此去投身徒遭吞啖老旦且待你爹爹下朝看他如何計較生且話誦一時無措這吉凶從何查勘各淚介合忍看那華顛一老獨把憂擔

中呂太平令外上舊職新銜特命乘驄赴濟南青鋒恨不把奸臣斬指怒髮短鬚鬚

衆迎介爹爹回來了麼外夫人孩兒我已差山東巡按卽日起程你們速打疊行裝從河南一路回家去罷老旦我們隨到任所纔是外合家眷等一槩回去我自單車赴任方纔朝罷回來已在外廂吩咐催騾



轎一乘待他到來立刻出門前往你們快收拾不可  
羈遲老旦兒子媳婦們回南老身要跟隨相公去的  
生母親娘子兄弟們回南孩兒是要伏待爹爹去的  
末小旦孩兒也要同去的外哎我此去拚着一死你  
們死在一處何用  
前腔這是虎窟龍潭骨肉何須葬一函芝蘭不值得連  
根斬快收拾返江南

老旦只是你一身獨去教家中如何放心得下一定  
要幾個同去的

黃鐘黃龍袞你揚塵污征衫揚塵污征衫獨自投坑坎

鐵石不做心腸把妻兒老小情都減生旦末小旦宦海風  
波孤舟誰纜願追隨生與死無遺憾

前腔外呀呸我揚鞭駕征驂揚鞭駕征驂看得浮生暫  
兒女縱情長到頭來替不得英雄俺今後呵你們做你  
們的事我自做我的事世故家緣冰消雪淡各自遶前  
程不下馬休叨攬

老旦淚介相公既執意獨行老身和孩兒媳婦們只  
得從命了不免就此拜別拜介外答拜介

前腔老旦臨歧手相攬臨歧手相攬血淚沾腮頷一室  
慶團圓忽生離死別何其慘生旦末小旦拜介爹爹此



去呵。應變隨機。尋思須三。切勿損眠餐。因國事增傷感。  
外。淚介。夫人孩兒。

前腔。看妻兒淚珠含。妻兒淚珠含。我也覺銷魂黯。啐大  
丈夫馳驅王事。義不顧家。罷罷有淚不輕彈。何須學點  
點楊花糝。你們快進去收拾罷。雜扮役上。驄馬將登路。  
驪駒已在門。稟老爺。驛轎在此伺候。外。我去也。衆。還有  
話吩咐麼。外。沒有什麼吩咐。哦。忠孝二字是我傳家之  
寶。兒們牢記着。衆。謹遵嚴訓。外。孝子忠臣。皇天昭鑒。聽  
父言。雖九死吾何憾。

我去也。生。母親和媳婦進去。孩兒們送爹爹出門。老

旦。且掩淚先下。外。行介。不消送了。

尾聲。代巡爲折朱雲檻。一路去。明日張膽。呵。呵。那里有  
怕死貪生的。殷喚庵。

同役下。生。爹爹頭也不回。徑去了。我們早收拾回蘇  
罷。集杜。不去非無漢。署香末。力微。增繳絕須防。小旦。  
江山路遠。羈離日。合金谷銅駝。非故鄉。同下。

第九齣 演防

南宮引子臨江仙頭。小生冠帶。滿日風塵。花縣擾琴堂。徹  
夜憂勞。

下官韋宣。初任歷城縣令。本欲展舒抱負。澤及一方。



不意趙匡胤發兵來攻省會節度祖公忽又移鎮德州將精兵盡行帶去只留下微職二員疲兵五百下官連日召募民壯僅有千餘人却又未曾熟練如何是好幸喜新到抄臺殷公是我同年好友星馳來省保護藩封昨日郊迎已過今當參謁正好把諸事請教一番

一剪梅尾末披掛上喜逢天使素雄豪來展龍韜同試  
牛刀

自家守備柴標是也今日參謁按君例當前去見小生介請了小生請了我等共事一城適逢禍亂請

趙兵不日前來如何抵敵末便是今日謁見按臺看他如何區處小生且到轅門伺候大家請教一番請丹心惟爲國末赤手欲扶天全下外扮按院隨二軍門役上

臨江仙繡斧花驄新捧詔兵氛乍暗齊郊書生雖異霍嫖姚封疆謀共保戎馬義何逃

集杜拖玉腰金報主身正思戎馬淚沾巾欲知趨走傷心地訓練強兵動鬼神下官殷旭奉旨巡按山東恰遇趙家兵起將逼濟南聞得省城內文武官員紛紛調遣却不想此處是藩封重地倘有疎虞則京師



之門戶不守，下官既食君祿，理當分憂。爲此飛馬到任，幸喜此間歷城韋令是我至交，忠義素著，須與他同心戮力，商量個守禦之方纔好。分付開門，內吹打衆應開門。介：小生上歷城縣令韋宣稟見。末：上歷城營守備柴標稟見。跪介。門免。外：分付掩門後堂待坐。衆應掩門下。外：起作進內堂。小生末隨入。介：小生。老大人請上。卑職參見。外：本屬舊交，只消長禮。末：卑職參見。外：此非公堂，也不勞了。小生：木如此遵命了。揖。介：外請坐。小生：木不敢。外：公務相商，不必過遜。小生：木告坐了。各坐。介：外：韋年兄都門一別，長懷渴想。

喜年兄到任未久，輿誦早騰。小生卑職向蒙鈞誨，時切悚慙，不意強藩之虐焰未平，悍帥之兇鋒又起，封疆累卵，黎庶懸絲。今幸老大人按臨，乃城社之福也。外：我與年兄俱係文臣，未諳兵法，樂營守一定夙嫻韜畧，熟習弓馬，請問兵臨城下，何以禦之。末：稟老大人：大凡戰守，全賴兵強馬壯。半月前，因奉內閣的鈞帖，將本城兵馬都分調各邊，錢糧又在彼處運解，只剩個空城在此。節度使因此移鎮德州，將省城卸諉而去。此際正在危急存亡之秋，卑職才短權輕，還求老大人作主，卑職願效犬馬之力。外：唉，兵食兩空，孤



城獨守如之奈何

南宮太師引恨飄搖把雄軍調算兵糧這里沒半毫借過曲大的會城衝要怎全荒武職或僚權奸誤國非細小倉猝地額爛頭焦到此地位本院也不忍推諉拚着了一身代庖何忍見金湯忽變蓬蒿

小生末是內打鼓傳報介役傳文書上稟大老爺王府傳來的諭帖在此外接念介王爺令旨爲催督守

城裏探得趙兵卽日前來着巡按御史殷旭歷城縣令韋宣協力守禦不得有違頃就沒有了諭帖難道袖手旁觀不成役下末卑職正要奉稟昨晚王爺密

傳卑職進府授意要謀害老大人與韋縣令卑職佯諾須隄防纔好外頃本院曾經將他參過一本故此懷恨但不知爲甚連着韋年兄小生卑職到任時曾把他放月錢的冊子燒却懷恨可知末原來爲此

瑣窗寒全不思戮力王朝爲私仇相阻撓干戈搶攘正需賢豪藩籬破損誰防賊盜咱焉肯順渠顛倒老大人寧使他不仁不可我不義此時嫌怨總勾消且共謀防禦之道

外柴營守卽此一樁事和這一席話你的忠義早見一班可敬可敬末不敢內打鼓傳報介役持文檄上



稟大老爺趙兵相去只百餘里先遣人在各鄉鎮徧張告示爲此揭來呈覽下外接看介大元帥趙爲曉諭東省官民等事檄行到日速將各項冊籍開報恭設香花迎接如負固不服天兵壓境玉石俱焚無貽後悔叟可惡公然張挂告示起來小生老太太急須商個守禦良策事不宜遲了

二段子趙軍已到聽風聲兵雄將驍濟南怎拋看空城官奔吏逃外如今呵捐貲且將疲兵犒排門再把民丁名與你灑血登壇須及早

末在城文武官員除王府外文官惟有縣令縣尉教

官三人武官惟有守備及左右二營千總也只三人現在營兵與新募民壯不滿二千人老太太請登壇操演一回者外正合吾意柴營守作速傳齊待點末領命起出外介大老爺有令在城文武官員營兵民壯齊集教場伺候點名操演內應介二旦扮軍士生淨扮千總丑扮縣尉副淨扮駝背老教官同上悲笳數聲動壯士慘不驕借問大將誰恐是霍嫖姚我門都齊集在此伺候末請老太太下教場外分付開門走花陣合唱介

東甌令悲風起大旗搖后土皇天看下操剝肝瀝膽把



危城保憑義勇爲牙爪。黃雲冪冪馬蕭蕭。殺氣擁旌旗。  
末稟老大人到了。請登壇。吹打登壇介。衆打躬介。外  
衆官將兵民人等聽者。本院奉旨巡方。本無督師之  
職。只因趙家兵起。逼近濟南。城中兵馬一空。糧儲不  
足。此城一破。俱爲俘虜。本院上爲朝廷。下爲城池。百  
姓起見。立誓以身報國。汝等各宜盡忠効力。鼓舞爭  
先。幸而勝敵。便成義勇之名。不幸敗亡。亦是精忠之  
鬼。勉哉。勗哉。無得觀望。衆應介。外。還有一說。本院德  
不足以服人。權不足以壓衆。只仗一腔忠義。守此危  
城。汝等若畏死貪生。忘君負國。本院不難自刎軍前。

以明有死無二而已。衆泣介。老大人披肝瀝血。言言  
忠憤。已覺士氣百倍。敢不惟命是從。外。旣如此。站過  
一邊。聽我號令。衆應介。外。左營千總聽令。生。有。外。你  
將此令旗。領營兵一百名。民壯三百名。把守東城。去  
大勝樂看東城一帶。迢迢把嚴關。須守牢。頽垣圯堞。修  
宜早。賊寇至。莫輕邀。生。得令。下。外。右營千總聽令。淨。有。  
外。你將此令旗。領營兵一百名。民壯三百名。把守西城。  
去。統領軍民。去做西門豹。固守垣墉。勤浚壕。方隅緊要。  
要朝巡暮守。關係非小。

淨得令。下。外。縣尉聽令。丑。有。外。你將此令旗。統領兵



民等把守北門

秋夜月臨北郊巡邏須周到  
斥堠相連狼烟照你晨昏  
擊柝雄關抱如逢敵寇炒便登城會剿

〔丑得令下外〕教官聽令副淨有〔外〕你將此令旗統領  
士民等把守南門副淨卑職只消點起鬢門中秀才  
倒有數百名待賊兵來攻城時躡將出去管教他抱  
頭鼠竄外却是爲何副淨一陣寒酸之氣不怕不衝  
倒他外多說

劉潑帽你領兵看管南關道堅壁守烽火須照城門出  
入嚴查報且捲書包只打個孫吳稿

〔副淨得令下外〕韋縣令專管糧草給發軍士柴營守  
率領餘兵隨本院四門巡督小生末得令

大趯鼓外循環察四郊同心戮力共保危巢只求軍馬  
胥騰飽休教士卒避煩勞還指望蒼天佑我聖朝

號令已畢且暫回衙門去行介  
尾聲合功勳本自儒生造看英雄淚濕戰袍只願轉敗  
爲功在這遭

〔集杜外〕崆峒使節下青霄小生未有涓埃答聖朝末  
直北關山金鼓震合冥冥氛祲未全消同下

第十齣 城禦



副淨扮腐儒巾服丑扮百姓執鋤頭上按院孤忠拚一命士民公憤敵三軍我等是濟南生員百姓奉巡按老爺之令各帶兵器協守城池副淨我讀書之人有何兵器但尋得裁紙刀一把在此袖中出刀作勢介遇着趙兵便裁他的頭下來丑揮鋤介我帶的兵器好一鋤頭打去打殺渠七八個副淨勿要多說按院來巡城哉各立開介外冠帶末戎服隨二軍上

雙調夜行船外講角聲中斜照晚能墨守庶保重關末

戰馬無鞍戎衣失襍忠義感人何限

集杜外瀟漫山東一百州竟非吾土倦登樓末孤城此日堪嗚斷昏黑應須到上頭外下官殷旭巡按守城已分付各官分頭把守誠恐懈怠爲此親臨督察柴營守隨俺上南城門觀看者同立高處介末守城士民聽大老爺分付副淨丑叩見介外目下趙兵逼近必來攻打城池爾等須上城堅守勿萌退諉副淨曲躬介守之一字太宗師老大人真高見也若不守而戰豈不迂乎靠這把裁紙刀向前迎敵倘傷其手豈不痛乎傷手猶可萬一傷其性命斷送滿腹文章豈不惜乎太宗師不言戰而言守豈不妙乎外只須堅守便是副淨丑應下雜扮報子上報報報不好了



他那里威風凜凜滿空中殺氣騰騰旌旗劍戟甚鮮  
明軍馬排來嚴整一個左營千總全軍覆沒堪驚趙  
兵乘勝便攻城速望老爺出令末再去打聽雜應下  
外左營千總輕戰被殺可憐阿

仙呂八雙風入松黑雲一搭罩東關早把忠魂催釐他  
調過曲縱然未識兵機慣也算個捐軀鐵漢教厚祿高官媿報  
禁不住淚痕潛

柴營守東門没人把守煩你去罷未得令下小生急  
上速將軍國事報與上臺知稟老夫人糧草告完城  
中更無儲蓄四鄉積穀又聞得被趙兵搶散了外這

怎麼處

前腔小生芻糧久已不供餐早夜何從猝辦倉困米穀  
無出產巧媳婦焉能炊飯羅雀鼠千難萬難憐軍士受  
飢寒

急三鎗外見那官遭殺兵罹慘糧無措微臣力早摧殘  
前腔小生自古皆有死民無僭何由立今幸留忠義在  
人間

雜扮報子上報報報不好了他那里殺將來風吹落  
葉冲突處雨打殘花風雲變色捲黃沙大砲逢人便  
打驍將兇于羅刹強兵惡似耶叉右營千總死如蝦



速望老爺出馬外右營將官又被殺死，哎，天亡我也。  
小生再去打聽。雜應下外  
風入松，妖氛一路掩西關，撲着孤軍糜爛。似西風落葉，都飄散，藩籬壞，沒處遮攔。悲壯士招魂不返，空滴下血痕般。

韋年兄，那西門要緊所在，你作速保守去。小生得令。  
副淨丑上東門西門連日打仗，南門北門鬼也不上。我們並不見什麼趙兵來攻城，趁巡按老爺在城上，且去告假一兩日罷。叩見介。副淨稟上太宗師大老爺，南北兩門仗着軍士們福氣，趙兵不敢來攻，徒然等過日子，故此告辭返舍。另日再來。外嗟，若非用人之際，當斬首示衆。副淨不去了，不去了，割頭至痛者也。而豈可如此乎哉？但是身上又冷，肚中又饑，如何是好？外知道你們苦了，你們寒冷，我脫衣服與你們穿，你們饑餓，我宰坐馬與你們吃。付衣與副淨丑介  
謝介外衆百姓呵。

急三鎗，今日裏饑寒事須熬煉，待那功成後享平安。  
前腔副淨丑聽了爺吩咐，把忠腸激甘從死，拚得城頭草血斑斑。

大老爺如此體恤，推食解衣，我們不出力守城者，非



人也效死勿去效死勿去。譚下雜扮報子急上報報  
報不好了趙兵排着紅衣大砲來攻城了。外頓足介  
聖上聖上眼見此城屬趙兵了。前日曾草血疏求發  
救兵杳不見到事已無及快傳韋爺柴爺到衙門商  
議雜應下外作下城介內吶喊介  
風入松外你看飛空烈焰燒人眼好一似攪海崩山俺  
這里空說個一韓復一范却顛倒胆破心寒聖上呵臣  
力盡心血耗乾準備着魂一縷報天顏內插鼓喊殺介  
急三鎗外子聽得鼙和鼓連天震不絕響料得城門外  
血流丹軍士們各趁早散去罷不要連累你

前腔伊何苦捐頂踵須逃散休要因吾在受傷殘

二軍爰介捨不得老爺死也死在一處雜急上老爺  
不好了趙兵破了西門藩王已被擒縛韋老爺大哭  
投身墜城而死外怎麼說雜城破了王捉了韋老爺  
死了外大哭介我那韋年兄阿

風入松你忠魂早向冥途趨這時節夢醒邯鄲怎的不  
等着故人殷巡按同攜手騎箕雲漢韋年兄你陰靈等  
一等城已被恢復料難俺也隨着你赴蓬山

雜稟大老爺柴守備傳到外快到內堂說話雜應下  
外哎大事去矣下



第十一齣 忠殉

四軍引淨戎裝上千里黃雲殺氣橫一時虎旅下齊  
城只須躍馬中原定何用勞師更遠征俺趙元帥麾  
下趙彥徽是也奉吾主命來取山東一路州郡望風  
而降只有濟南是個省城被巡按殷旭堅壁固守一  
時難破幸托天威殺其二將破其城池擄其藩王笑  
介哈哈正所謂仁者無敵好個歷城縣令韋宣墜城  
而死真是數一數二的忠臣可惜救護不及殊為恨  
事關巡按殷旭忠義尤著若得招降此公豈不是吾  
主一員賢宰相麼左右城中有个巡按殷老爺不許  
殺害要活的來見我軍應介淨魯書何待遺燕將晉  
用原來借楚材俱下外朝服佩刀門子捧勅印令箭  
隨上

北黃醉花陰俺子見日暗雲昏亂塵擾展殺氣兵戈突  
到嗟陽九數相遭錦片江山驀地多坍倒愧食祿在王  
朝忍見城池失去了

末將巾武衣上

南黃鐘畫眉序霎時看西郊粉碎城池被趙兵抄想孤  
過曲 忠一命穩落蓬蒿見外介外營守叟事勢已急我請你  
來有話分付你末不待分付老大人單身在此昇職保



護殺出東門投遞他處再作道理外哎俺情愿身殉封疆豈肯偷生他往末老大人奉旨巡方本無守土之責何不從權避難內金鼓吶喊介末呀殺聲逼近衙門不得遲延了軍聲近鋒鏑將臨微服去機關乘早那時再把皇恩報煞強如飲恨銜刀

北喜遷鶯外哎人謀天拗仕危邦一死無逃末還是快去的是外嘮也麼叨你何必苦言相告末通省官員降的降走的走老大人何必固執外他鼠首驚奔狗尾搖何足道俺學個常山罵賊拚向那野草塗膏

柴營守你自趁早走罷末老大人自甘一死卑職豈

肯偷生

南畫眉序試看莽柴標夙昔爲人慕忠孝荷明公不棄願賦同袍外我也曉得你忠義有事相托故勸你不必捐生末快說何事見托外俺死後倘有家人尋覓屍骸亂軍中料無下落你可將我的勅印令箭交付與他叫他繳上朝廷不可有誤取勅印令箭過來小旦付外介外付末介特此奉托末接介交勅印遺囑殷勤留頂踵餘生圖報如此只得告退了揖介別離生死傷懷抱待他年地下相遭

下外門子賊兵漸逼我步出衙門登城樓上望闕謝



恩自盡你不必跟隨了。小旦應下。外行介  
北出隊子。刀山圍繞。那怕他刀山圍繞。俺奪下血淋侵  
路一條。作上城介。嘆。顏垣荆棘。污腥臊。一座危樓。風雨  
漂聖上。呵。只怕直北關山都動搖。

淨引衆軍上。城樓上。官員姓甚名誰。俺有話分付。須  
索聽者。

南滴溜子。天兵至。天兵至。弔民伐暴。王師下。王師下。禮  
賢敬老。義旗人人知道。你須識事機。降順早。舉刀介。智  
教你活殘生。免喫這刀。

外哈哈。豈有怕死的。殷御史麼。淨打躬介。原來是殷

老先生。不但小。久慕大名。就是吾主也。素欽忠義。  
何不棄暗投明。早早降順。做個開國元勳呢。外禁聲。  
俺殷旭有一言。願達你家元帥。淨道來。外周主雖弱。  
君也。趙帥雖強。臣也。以臣犯君。是謂不忠。速宜韜戈。  
歛甲歸命。天朝自陳起兵之罪。然後可以保全臣節。  
淨這秀才話兒。誰來聽你。自古天命無常。歸於有德。  
吾主功高。湯武應天。順人。老先生何不趁此歸降。免  
貽後悔。外住了。俺殷旭只有斬頭瀝血。沒有屈膝低  
顏。要俺降順。可也休想。

北刮地風。俺百鍊剛腸。從烈焰燒。世不曾畏避。湯鑊。淨



不降就要動刀了。外俺赴青鋒可也長含笑全不皺兩道眉稍也不悔一點心苗直恁地握拳透爪博得個鬼泣神號。淨老先生小將焉敢殺你只勸你降順。外俺是個裂白麻攀朱檻鬚眉節操休認做賣金甌插草標到臨危屈膝求饒。

我殷旭還有一言奉告這濟南的百姓都是良民將軍須約束軍士不許擅傷一人我殷旭如身受大德矣。淨老先生自家如此執拗不聽好言倒把話兒吩咐我怎教我聽你。

南滴滴金你錚錚鐵性生來傲俺好語溫言儘殺了怪伊行一謎兒偏執拗反要說人情勞計較你偏不降我偏要殺百姓無分老小縱兵丁逢人都切倒此劫怎逃留不得半毫。

北四門子外呀呸原來是綠林剪徑潢池盜不過沐猴冠續狗貂淨好意相勸倒罵起俺來。雜他罵將軍何不拿他砍了拔刀向外介外咤誰敢動手我是天家命使儒家老肯將頭污賊刀。整袖轉向北跪拜介聖上嘖臣殷旭不能殺賊除奸唯有一死報國再不能瞻天仰聖了。心似剖血似澆做忠臣。一會兒沒下梢起拔刀欲自刎介淨老先生不要短見軍士們快快上城勸住了。雜



上城奪刀介外休囉。莫絮叨。俺這一靈兒先去了。

自刎下雜啓將軍這官兒自刎死了。淨死了。可惜可

惜好個忠臣。雜阿呀。爲什麼一霎時天昏地黑。日色

無光了。淨果然奇怪。噯。是了。屈死了。忠臣故此天變

了。大家拜求拜介。

南雙聲子合忠臣好。忠臣好。感天變。都驚倒。起介淨衆

軍士一百出榜安民。替忠臣保全百姓。一面買棺盛殮。

雜店舍俱空。沒處買棺。淨忠臣屍首不可暴露。可將城

樓燒燬。算做火葬。便了。橫戈躍馬。吾無敵。貫斗冲牛。汝

有靈。先下雜持火把作燒城樓場上放烟火。爆仗介合

聲好。礮聲如礮。一霎把城樓燎燬。髮爪燬。髮爪炙髓腦。

炙髓腦。怕英魂顯聖。火裏逍遙。

衆下場上寂然介雜扮二鬼各捐牌上立開介牌上

大書雙忠二字。外小生金僕鱗服上靜立各看牌念

介雙忠相向大笑介外韋年兄

北尾俺和你視死如歸。到頭好。小生殷大人看雙忠早

註天曹。合那些佞臣呵。還則笑。枉送頭顱的。林智少。二

鬼引外小生大笑下

第二齣 慘計

仙呂過曲二犯榜粧臺。老旦上問蒼穹金錢頻卜。遠人蹤恨



幾夜江南夢，却飄不到山東。老身王氏，因相公巡按東省，卽同孩兒媳婦還吳，時序遷移，音書阻絕。趙家兵起之後，南北道路不通。昨夜夢見相公幞頭蟒服，像天神一般說陞任去了。此夢不知是凶是吉，教我好生疑慮。不免喚二個孩兒出來詳解一番。孩兒那里？生末小旦上。合：思親望雲愁千種，待要陟嶠臨風路萬重。見拜揖介：母親喚孩兒們有何分付？老旦：我因你爹爹孤身遠宦，時切挂懷。昨得一夢，尤增疑惑。他服殊形，改是吉是凶？生末小旦：母親不必過憂，這是積思成夢，總虛空。生：但是孩兒近來也覺寤寐不寧，心如荆棘，不知何

故末小旦孩兒也是如此。老二：這也奇怪。

不是路丑扮蒼頭，急上：不好了，驚地傳凶駭耳，驚心哭殺儂阿呀。夫人相公不好了。噯。老旦：爲何這等慌張？丑：聞輿誦道是兵戈斷送，下阿家翁。老旦：等怎麼說？丑：小入方纔府前經過，聽得那些人紛紛傳說，趙兵打破山東省城，我家老爺是奮孤忠，城頭殉難，把身軀送。老旦：等驚介，可是確信？丑：怎麼不確？中間有個山東客人，他說就是老爺的衙役逃難到此，小人問他，他說是親眼見的，還說是火葬了。這是目擊原非道聽。同老旦生哭跌介：可呀，我那天噯。末小旦：哭扶介。老旦：鍼心痛遊竟。



獨撒在荒郊壠做官何用生末小旦養兒何用同哭介

丑哭下

商調山坡羊老旦相公叟想着你瘦稜稜壓不牢的鞍  
過曲鞆氣昂昂倒不來的梁棟赤淋淋灑不完的怨紅亂荒  
荒巴不到的孤鳧塚唯夢中見伊活面孔從今後勾除  
了食案齊眉捧想當初懊悔不官衙把臂從合哀鴻遠  
迢迢信怎通悲風虛飄飄竟怎逢

前腔生末小旦爹爹叟你急巴巴報朝廷的祿俸硬錚錚  
救黎民的疾痛因此上輕飄飄却棄捐了自身却不  
顧哭盈盈難割捨的終天慟兄弟無人來斷送枉算

着三名丹穴超宗鳳趕不上。一匹黃泉桓典驄台兵戟  
恨悠悠一命終音容杳冥冥何處從

老旦兒阿你爹爹爲國殉難身死他鄉千里聞訃爲  
日已久急須打發老蒼頭前去收骸殮骨扶柩回來  
不可遲了生母親那老蒼頭如何去得爹爹身罹兵  
火遺骸難辨必須孩兒親自前去這是他人替不得  
的老旦孩兒要親身自去足見孝心只是那邊又聞  
流賊縱橫兵戈擾攘你隻身遠出教做娘的怎生放  
心得下生娘阿爹爹既身罹慘變做兒子的怎還顧  
得自己就是萬馬千軍也要拚此一身冒死前去的



末孩兒要同哥哥去一般的兒子哥哥獨自出門受苦做兄弟的在家自在於心何忍小旦我同大哥哥去二哥哥在家奉事母親也是要緊的老旦三兒年輕是去不得的生三弟年輕不能照管家務必須二弟在家孩兒纔可放心出門末亂離時世難保無虞哥哥是長子留家奉事母親拚我一身冒死前去實為兩便

仙呂人雙調過曲

江兒水世界方離亂干戈滿濟東宗桃兒任須珍重弟代兄勞耽驚恐晨昏老母勞兄奉各盡個墳簾伯仲生還該我去你自在家奉母為子雖同我年長

合該勞動

老旦孩兒們爭先要去尋父屍骸哭介都有孝心不媿為殷御史之子但據做娘的意見畢竟大兒歷練些還是大兒去罷只是幾時起身生事不宜遲卽刻出門便了

前腔恨不生雙翼凌虛早御風跟尋便把遺骸捧老旦還有句要緊話你爹爹枕骨最高須要辨得仔細生孩兒曉得還要滴血分明連頂踵娘阿只是遠離膝下心酸痛千萬寬懷保重末小旦有兄弟在家勸解哥哥放心你莫管家中自謹慎山遙江永



生兄弟取我包裹出來就此拜別母親去了末小旦  
應下生束裙換草鞋介旦哭上傷心聞舅訃灑淚送  
夫行婆婆阿可憐公公殉難身死撇下全家老幼好  
不痛心也老旦媳婦正要請你出來大孩兒要往山  
東尋你公公骸骨即刻起身趁早話別一番生娘子  
我卽刻出門正有話分付你旦相公就去麼有何分  
付生拭淚介  
川撥棹啼珠湧說不完愁萬種別的話一時也說不盡  
了只是你婆婆呵老年人悲苦填胸老年人悲苦填胸  
望着承親生母同旦這何自然無煩叮囑生還有句話  
保嬰兒懷抱中念般家閭未克

旦相公囑付自然牢記在心今當遠行妾也有一言  
相囑生願聞旦拭淚介

前腔換頭聽說烽煙阻未通你孤身途路窮生娘子這  
也顧不得了旦出路的憑着天公出路的憑着天公也  
寧可趨吉避凶生我理會得旦公公嗷望陰靈憐孝衷  
暗扶持骨肉逢

末持衣包小旦持傘上付生介哥哥行李在此生就  
此拜別了拜老旦介

尾聲合斷腸行牽衣送別旦介一時酸淚灑西風別末



小生介忍聽那嘹唳南雲悲斷鴻

〔生〕我去了〔下〕老旦他頭也不回竟自去了可憐阿

哭相思合何事人生最慘悽無過死別與生離關情父子真天性他哭走天涯血滿衣辭茂苑赴青齊料晚烟一路子規啼千山萬水歸須早骨肉懸懸望眼迷可憐阿同下

第十三齣 哭骸

越調霜蕉葉生上危途迤邐一路眠餐廢閱歷風霜到彼盼齊東雲遮霧迷

〔集杜〕喪亂幾時休齊魯青未了天明登前途路危行

木杪秋雨欲生魚空村唯見鳥辛苦賊中來淹留問耆老小生殷儉因父親巡按山東遇趙兵之亂殉難而死信到吳門之日即便辭別老母徒跣遠行要尋覓父親屍骸殯殮只爲烽烟未息道路難行故此出門已是月餘纔得到山東地面你看兵燹之後人物蕭條亂水荒山一片黃沙愁黯黯淒風酸雨四圍白草恨漫漫人家幾處少炊烟野鳥數聲啼怨血爹爹嗷你陰靈不遠也曉得荒郊古道邊有個兒子來尋受盡淒涼景况麼

越調小桃紅亂雲壓倒四山低看黯黯那一片荒涼地



也。濟南何處多。應摺疊在亂雲堆。俺一步一低徊。思量  
着坐霜臺。困雲梯。頭顱斷。又把屍骸棄。也恨不得插翅  
相追。雜扮逃亂男婦急上走。嗶趙兵纔去。流賊又來了。  
我們四散逃命去也。下生呀。人逃命走荒哇。咱何計避  
兵威。

你看流寇縱橫。居民逃散。俺孤身到此。人生路不熟。  
向何處躲避。只得拚命而行。

下山虎寇氛益熾。矢鏑交催。四野風聲起。飽逢亂離俺。  
指望盜解兵消。暫荒戰壘。那知道駭耳依然聞鼓鼙。雜  
扮流賊持刀槍上殺呀。不揀好歹。逢人便殺。燥脾胃。拿

生介。生。我是異鄉人。來尋父親屍骸的。饒我一命罷。雜  
你是何處人。生。蘇州人。雜。蘇州到此。足有二千里遠。冒  
死來尋父屍。是個孝子。不要殺他。咱們尋個不忠不孝。  
沒情義的人來殺。放介。雜。下生。嚇死人也。險遭他虎口。  
裏想。是父英魂。默佑兒莫說。菑苻賊不知禮儀也。曉得  
尋骸人最悲。

行路之間。天色又晚。一望荒郊。並無村舍。今宵教俺  
何處歇宿。

五韻。美夕陽愁窮。途淚炊烟望杳。今夜裏。悄無人畧約。  
渡流水。那邊想有人家。且過板橋去借宿。一宵愁懷暗。



喜犬吠介聽小犬籬根遙吠叩門介內嚷介賊兵來了  
快起來生不是賊兵是過路的求借一宿內啐這等亂  
離時世我們住家的且睡不穩怎容你異鄉人留宿快  
些別處去生呀直恁的堅相拒狠見疑全不肯放一點  
人情把半扉暫啟

不肯留宿却怎麼處哦喜得陰雲漸散星斗微明何  
不乘夜前去早到一刻也是好的行介

五般宜那里不留人浪教轉回只得仍移步愈加慘悽  
偏又是枵腹怎充饑況且風冷露冷薄綿遮體芒鞋敝  
履早行來數里此處三义路口東西莫辨從那一路去

好只看那北斗柄三星好隨他東向指

山麻稽出路口經沙嘴魃地裏一步兒高一步兒低蹣  
蹣虧點着鬼火兒青光炯碎此時不知什麼時候了暗  
模糊血腥榛莽霧昏斥堠煙鎖城池

前面黑黑沉的一帶想是濟南城了半轉參橫東方  
漸白却不聞雞聲茅店又不見人跡板橋可知民居  
寥落井里蕭條也

園林杵歌夜何其三五星漸稀暢好個寒天氣向曉嚴  
霜刮面飛怪這幾步西風把人倒吹呀前面便是城河  
怎麼這等寬闊既無船隻又無橋梁教我如何過去哦



想是天明後纔有渡船不如等一等罷。介哎。心事緊急。那里耐煩去。等不如沿河而走。尋個有橋的所在。便好過去。行介住了。我遲到一刻。爹爹的屍骸多暴露一刻。怕什麼水。就此泗河過去。豈不近些。作欲涉水。又懼介呀。吓我就死在此。便可奉事爹爹於九泉之下。有何懼怕。將傘拄地。作涉水介。一任他水盈盈波淘淘。如行坦夷。作欲沉。急介。阿呀。足怎歇項。怎低。作浮起介。險些兒葬送了。身體。作到岸介。好了。回顧介。也不過帶兒般渡得。恁遲。

只是滿身是水。不好行動。作脫衣絞水復着介。

蠻牌令。流水濺征衣。把慈母線痕移着來。還帶溼。我那顧水和泥。行介。這一帶是城牆。不知爹爹殉難之所在。於何處。拚走徧牆高雉低。周遭了南北東西。見多少骸生。薛骨化灰。教我怎尋軀殼。難辨鬚眉。

看此處骸骨甚多。哭介。我爹爹可在其內。骷髏莫辨。惟有滴血試之。咬指向地。滴三四處介。

黑麻令。可憐那消肌蛻皮白。皚皚竟飛。鬼離血不滲骨。不是了。轉身咬指。滴幾處介。都是滑瀝瀝。知伊是誰。也不是。向高處咬指。滴幾處介。赤淋淋。十指將枯。總不免心迷意疑。都不是。大哭介。天那。滴了半日。尋不着父親。



屍骸拜介待我禱告蒼天望神力佑助早逢遺骨禱告  
已畢只得再尋又咬指滴血介只靠着天知地知把遺  
骸還妻付兒大哭介天阿都不是却不痛殺我也遠迢  
迢痛覓親骸誰想道成堆盡非

作贈倒死去介末道裝上集杜故國平居有所思白  
楊今日幾人悲風塵荏苒音書絕獨立蒼茫自咏詩  
俺柴標因趙家兵起時受巡按殷公之托遂爾避難  
出家做了道士目下趙兵已去王師暫復想殷家早  
晚聞信必來尋覓屍骸俺好把殷公所托勅印令箭  
交割與他完俺一樁心事因此就在城脚下搭個草

舍兒暫居今早聞城上有人啼哭甚是悽慘不免出  
去看來呀有個漢子贈倒在此向前看介爲何衣衫  
透溼指血淋漓恁般光景喚介漢子甦醒生低應介  
末你是何處人哭倒在此生蘇州人末急問介蘇州  
人上姓生姓殷末嗻姓殷何事到此生尋父親屍骸  
的末你父親怎麼死在這里生俺父親做此地巡按  
爲趙家兵起殉難而亡的末急扶生介原來就是殷  
公子請到舍下去生我爲尋父骸骨而來早間到處  
滴血總尋不見情愿死在此間是不去的末公子要  
尋骸骨只須問我生急起驚問介你你你何人怎



忠孝前  
怎。怎。曉。得。俺。父。親。骸。骨。末。且。到。舍。下。說。個。明。白。公。子。  
你。身。上。寒。冷。脫。衣。與。生。換。下。介。且。把。溼。衣。服。換。了。同。  
去。生。承。道。長。恁。樣。厚。情。理。當。登。堂。奉。拜。只。求。把。父。親。  
遺。骸。早。些。說。與。我。知。道。末。說。起。話。長。請。行。介。

江。頭。送。別。生。城。隅。路。荆。棘。裏。大。開。竹。扉。作。到。介。揖。坐。介。  
生。請。教。道。長。姓。字。末。貧。道。柴。標。原。是。此。地。守。備。趙。兵。圍。  
城。之。日。隨。著。尊。大。人。防。守。城。池。既。破。尊。大。人。預。將。勅。印。  
令。箭。遺。囑。貧。道。待。親。人。來。尋。交。付。爲。信。尊。大。人。罵。敵。不。  
屈。登。城。自。刎。貧。道。卽。便。出。家。生。爹。爹。阿。我。是。你。親。兒。子。  
反。不。如。柴。營。守。看。嚴。親。罵。敵。而。死。死。後。屍。骸。瘞。在。何。處。

末。說。也。傷。心。那。趙。兵。也。敬。尊。大。人。忠。義。要。買。棺。盛。殮。無。  
奈。戎。馬。倥。惚。之。際。無。處。措。買。卽。把。城。樓。燒。燬。叫。做。火。葬。  
霎。時。化。爲。灰。燼。兵。去。之。後。貧。道。要。來。收。拾。已。不。可。得。了。  
生。大。哭。倒。介。末。扶。起。介。生。遺。骸。早。逐。烽。煙。碎。不。信。道。忠。  
臣。恁。樣。煞。尾。

末。公。子。你。如。今。無。處。尋。骸。哭。也。無。益。付。令。箭。印。介。把。  
這。勅。印。令。箭。帶。回。家。去。只。當。是。尊。公。大。人。罷。生。捧。箭。  
印。跪。哭。介。

江。神。子。物。在。人。亡。無。見。期。傷。心。是。御。史。之。遺。屍。骸。不。見。  
要。此。二。物。何。用。不。如。自。將。令。箭。刺。死。追。到。九。泉。早。見。父。



親之面將令箭自刺末奪介生到不如早從地府追隨尋骸不見也羞回娘阿怎知我他鄉做鬼

末公子聽貧道一言你痛心覓死誠哉孝思但太夫人在家懸切公子若不得生還必使萱堂飲恨豈不彼此兩失不若依貧道愚見古有招魂而葬之禮公子請在寒舍將息一天待尋幾位道友做個追薦功德招魂南返早慰慈親這纔是個道理生道長言言刺骨字字悚心唉只得依了

尾聲違心却改來時計誰人想祖龍焚燬只怕剪紙招魂還不是禮

末禮以義起只得如此行事了且請進用早多謝集杜淚痕血點垂胸臆天地慘慘無顏色戈不見老萊衣扶持自有神明力同下

### 第十四齣 禮魂

淨扮道士上鍊得身形似鶴長閑眠松下幾曾忙只緣世亂無生計欲問師求辟穀方我乃歷城縣一個正一道士的便是只因省城內外迭遭兵火民窮財盡毫無生意看看像個餓癩鴨來里哉昨日柴道友來說有個蘇州殷公子爲着父親招魂歸葬請我主壇他是個御史公子自然是出手的聞得擇於今晚



啟建道場不免邀着道侶同走一遭夥計走嘎雜扮  
二道士上靠着赤符綠字換些白鏹青蚨不知道場  
設在何處淨開得說在南門城樓荒址之上到彼便  
知行介行行去去去去行行場上預設靈几香燈插  
冤幡介到介此間已是爲何道場這等冷靜擺設這  
等寂寥想是老柴落子銀子哉柴道長那里末上孤  
臣碧落招冤處孝子黃昏泣血時道友來了麼就此  
良宵作起法事待請公子出來拈香淨湯水勿見一  
口就要動手哉罷呢動起法器來我念搖鈴杵介  
雙調孝順歌合兵荒後鬼散遊招冤禮儀誰講求誰來  
過曲

骨體誰來買棺柩誰來奠酒只有殷家把靈壇來

孝子虔誠冤兮速赴蘇州

末唉殷大人我柴標受恩知己愧不能從難捐生幸  
遇公子到來可以不負所托今日招冤南返我柴標  
永從此辭矣拜介

前腔換頭盼冤兮到此遊冤尚戀城樓冤可  
遞山郵冤返故壆孝子虔誠招冤同走故吏淒涼黃昏  
哭向城頭

眾道友請進用晚膳再來宣疏罷眾應下末請公子  
拈香生上集杜碧水寒風野外昏南方實有未招冤



出師未捷身先死。慟哭秋原何處村。我殷儉爲父親  
招覓煩柴道人建設道場舉行法事須至意虔誠焚  
香禱告者末奉香介生拈香哭介我那爹爹阿

北般耍孩兒靈風浩氣光磨閃只博得一縷香拈淚糊  
涉調漆炬夜淹淹展銘旌一段霜縑我指望趨庭東郡承甘  
旨怎知道灑血南樓失塊苦憑城塹應念我尋骸孤子  
早逢着殉難家嚴

末再炷冥香生又拈香介

五煞想當初辦赤心爲鋤奸奮紫髯便巡方有缺勞欽  
點那時節恩榮豕角單身赴誰知道葬送鴻毛一命

兇曹念不自把膝前殞滅禍及了堂上清廉

末三上冥香生又拈香介

四煞料匆匆烏府忙正紛紛白刃銛早一腔熱血把孤  
城染單剩下角蟠寶篆窠猶濕箭鏞銅花鏃尚尖倒是  
屍骸却不見了哭介無人殮痛殺那忠魂凜凜却付與  
烈炬炎炎

末亦哭介真正好傷心也淨上孝子拈香已畢法師  
宣疏休遲末請讀疏文淨搖鈴杵念介伏以有誠必  
達無禱勿靈今據江南蘇州府長洲縣招魂孝子殷  
儉投誠伏爲先考山東巡按御史晦庵府君殉難捐



軀遭焚化骨尋骸不見悲泣血以終天扶櫬何從痛  
招魂于異地涓今良夜建立經壇特延有道之黃冠  
專召無形之繡斧伏望歛魂收魄感氣而來逐電追  
風應聲而至引雙旛而啓路慰孤子于歸途不盡宣  
揚伏惟靈鑒謹䟽持旛招介生哭拜介爹爹阿

三煞直名兒冠搢紳遺愛兒徧里閭只這一靈兒義憤  
猶銜劍休再去遊魂縹緲雲中馬急須來現影朦朧月  
下蟾燈無焰只見那陰雲慘澹暗雨霹靂

淨又招介怎麼還不來孝子再拜拜得快來得快生  
又拜介

二煞想是在泉臺未撥忙下天庭偶避嫌或是經山過  
水程途險何不喚兒來作伴相攬挾當只爲獨走無依  
故滯淹還只怕無徵驗不見那遺容下降空教我仰首  
遙覘

淨不要性急等我再招又招介外金幘蟒袍扮殷旭  
魂上繞場一遍袖拂香烟下生哭介果然是我爹爹  
來了上前欲抱不見介淨付旛與生介魂在這旛上  
了生跪接旛捧旛哭叫介爹爹孩兒在此

一煞訢哀衷肺腑摧捧長旛血淚霑爹爹你分明眼看  
着兒殷儉爲什麼流光燦影軀難抱又恁般滅響銷聲



口似箝。死然是生前臉痛。只痛慈親弱弟。不得同瞻。

〔淨〕魂已招到。小子告退了。柴道長經錢就見惠子罷。  
〔末〕明日送來。〔淨〕請了。下生將旛摺疊。介柴道長俺雖已招魂終。以不得骸骨爲恨。末公子恨也無益。太夫人。在家懸望。打包介可將魂旛。印箭總作一包。及早還蘇。經營入葬。就完了。公子的事哩。生道長言之有理。我回家葬親之後。還要入京繳還印箭。奏聞朝廷。請個卹典。也不枉父親一死。末這也斷不可少。〔生〕天色漸明。就此拜別。

煞尾。乍招魂。隱痛深。又臨岐。別恨添。此去一路呵。

燕染得紅如茜。都是灑不盡的孤兒淚萬點。

背包介道長請了。集杜何異飄飄。托此身天涯風俗。自相親。末倉皇已就長途。往相送柴門。月色新請了。生別下。末真個孝子。好個孝子。殷大人。你可含笑入地矣。下。

第十五齣 立祠

越調。趙皮鞋。副淨扮老人上。小子包老兒。百事包攬。都不辭。酒杯終日醉。蚩蚩不造業的錢兒。落得使

區區大號包一村。仙台坊裡做老人。未到官司先到我。出頭做主叫排鄰。但凡相打個朋友。或是不孝個



子孫收得幾張投狀替渠判斷如神雞頭是我先吃  
紙包讓我獨吞就是夫妻口角也要我去支分勸渠  
大家和睦依舊如此云云若遇地方好事一發生意  
上門捱家派歛錢鈔只靠嘴快脚勤落得些些油水  
勾我終日醺醺笑介介樣威風濶綽強如三考出身  
閑話休說只我這濟南城內有個巡按殷老爺是最  
有名的好官趙兵破城時他要保全百姓竟對个將  
軍爭論一番說你若殺我百姓寧使殺我竟把腰  
間掛刀自向脖子上剗死了將軍見子十分敬重連  
林挂子榜文說忠臣所托你們百姓竟做生意一個

勿殺連我這顆頭也從刀尖下溜過來的。那間個星  
人家老老小小男男女女個個歡天喜地阿啲啲點  
香挿燭拜謝個忠臣說道爲子我里料捨子個一條  
性命此恩不可不報就有個姓柴將官出家做子道  
士募化衆人十兩三兩一兩最少三錢登時湊子五  
六百金還有窮人愿來做工替他建造祠堂報答恩  
德柴道士說我是出家人勿管帳把這些銀錢材料  
磚瓦木頭工匠夫食帳目都交我老人包造真正寒  
民子來不日成之。那間只要裝門粉壁剝得塔尖來  
里哉不免叫幾個木匠泥水出來早完子工等衆人



送神主來就完子個樁公事哉衆匠作師父快出來  
嘍

水底魚兒淨扮歪頭帶斧鋸上吉日良時忙來建祠  
斧頭鑿子靠他活命兒丑扮駝背持泥刀刷簷上兩手  
五指磚灰抹眼瞤銀錢見賜禿青和細絲要禿青和細

淨賴駝背就差介點也罷丑鈕歪頭來哉舍見副淨

介包伯伯請了副淨你們快完子工明朝就要迎神

主進祠哉淨丑包伯伯冷離離酒也盪星我里吃副

淨使得介但是你們勿要躲懶嘍淨丑大家公事巴

勿得早完副淨下

中麻婆子淨鋸木介鋸木把門闌試鑿筍介還

將筍闌雌砌壁介砌壁砌壁把泥刀漬刷灰介灰漿

儘布施淨裝窗介裝窗立檻總支持丑畫壁介塗牆畫

壁須挨次合完工了告畢功停止好個忠臣一座祠

包伯伯完工哉副淨上完哉鈕歪頭你來里想舍淨

勿想舍副淨勿想爲舍側子個頭淨區區生相如此

副淨願駝背你尋个泥刀勿見子舍丑勿尋舍副淨

勿尋舍只管看子地皮上丑區區生相如此副淨酒

盪殺哉吃鍾去罷同誦下末上道衣道帽道人鞋到



處青山骨可埋，若問昔年遊宦處。五營軍馬濟南街，我柴標自殷御史殉難之後，將邱箭交還公子，招覓歸葬。公子復到京師，瀝血叩闕，請頒卹典，與耐耐朝中奸黨素與殷御史有仇，不肯褒忠獎烈，反說是守禦無策，淪陷藩封。又說是死得不明，行文查勘。唉，真是有天無日，公道何存？還是那些百姓倒有良心，個個追念殷公之德，捐貲樂助，建造祠堂。目下已經告竣，又將同時殉難的韋縣令配享，名曰雙忠祠。這便是公道在人，了衆人迎主將到，俺不免先去瞻仰一番。

南昌香柳娘看門牆宛然看門牆宛然栢臺相似這是一過曲

忠爲棟宇剛爲址，定流芳萬年。定流芳萬年，瞻仰這茹茨春秋奉嚴祀，那邊許多人執香來了。鬧者民婦子，鬧者民婦子，人懷去思焚香趨俟。

四脚色扮士農工商執香上

前腔合：合鄉城士民，合鄉城士民，感恩蒙賜焚香點燭來燒紙，雜鼓吹抬神主亭子，扁額上合奉神牌到來奉神牌到來，涓吉選良時登堂，供名氏衆跪接介。合：迓神明御史，迓神明御史，威靈進祠齊來扶持。

供神主介上雙忠祠三字扁額介拜介

前腔想音容儼然想音容儼然影雙形二稜稜正氣何



曾死奠酒介俺衆百姓呵荷家家保全荷家家保全父  
老與妻兒無人陷鋒矢今日大家多拜幾拜報答大恩  
自今朝倡始自今朝倡始輪流管司須要如期而至


天色晚了大家且散三朝再來祭賽罷俱下末你看  
衆人好不虔誠好不愛戴殷韋二公可謂不死矣柴

標今日心事已完就此拜辭別個拜介

前腔陡傷心自憐陡傷心自憐曩曾同事偷生只剩我  
柴標耳待雲遊四方待雲遊四方回首報恩私雙忠已  
題字望竟兮戀此望魂兮戀此我是從今告辭不識何  
年重至

既已拜別祠堂從此雲踪水跡竟爲方外之遊下你  
看權奸樹黨寇賊縱橫眼見社稷淪亡更姓改物只  
在旦夕間事倖不高飛遠舉更待何時集杜寄謝悠  
悠世上兒九重泉路盡交期青鞋布襪從此始藥餌  
扶吾隨所之下





STANLEY



